



Broj: 07-05-04-45131/23  
Sarajevo, 07.12.2023. godine

**KANTON SARAJEVO**  
**Skupština Kantona Sarajevo**  
**- o v d j e -**

**Predmet:** Odgovor na zastupničku inicijativu zastupnice Jelene Pekić od 06.11.2023. godine,  
d o s t a v l j a s e

Zastupnica Jelena Pekić je u okviru Desete radne sjednice Skupštine Kantona Sarajevo, u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), dana 06.11.2023. godine, uputila zastupničku inicijativu koja glasi:

**"ZASTUPNIČKA INICIJATIVA**

Prema Vladi Kantona Sarajevo i Ministarstvu privrede Kantona Sarajevo:

**Za formiranje Fonda za investiranje u tehnološke startupe u 2024. godini.**

**OBRAZLOŽENJE**

Kanton Sarajevo, kao jedan od vodećih ekonomskih centara u Bosni i Hercegovini, ima priliku da unaprijedi svoju tehnološku scenu i potencijalno postane lider u podržavanju tehnoloških startapa. Osnivanje **Fonda za investiranje u tehnološke startupe** u Kantonu Sarajevo može biti ključno za ostvarivanje ovih ciljeva, te bi se na ovaj način razdvojili pravi tehnološki start-upovi u odnosu na podršku koja je realizovana kroz dosadašnje programe kao što su 'Podrška mladima za pokretanje start up poslovnih subjekata' i 'Podrška za pokretanje start up poslovnih subjekata kategoriji stanovništva od 36-55 godina starosti'. **Potrebno je razdvojiti podršku za osnivanje tehnoloških start-upova u odnosu na podršku za pokretanje malih i srednjih biznisa, uz napomenu da jedno ne isključuje drugo.**

Razlozi za osnivanje jednog ovakvog fonda su slijedeći:

- 1. Podrška ekonomskom rastu:** Tehnološki startapi često predstavljaju središnju tačku ekonomske inovacije. Investiranje u ove startape može značajno doprinijeti ekonomskom rastu Kantona Sarajevo, stvarajući nova radna mjesta i privlačeći nove investicije.
- 2. Razvoj startup sektora:** Kanton Sarajevo ima potencijal da postane regionalni centar za razvoj informacionih tehnologija. Podržavanje tehnoloških startapa putem fonda može unaprijediti ovu industriju i privući talentirane pojedince i kompanije da svoje kompanije otvaraju ovdje.
- 3. Diverzifikacija ekonomije:** Ovisnost o tradicionalnim sektorima može biti rizična za ekonomsku stabilnost. Fond za investiranje u tehnološke startape može doprinijeti diverzifikaciji ekonomije Kantona Sarajevo, smanjujući izloženost riziku u slučaju problema u drugim sektorima.
- 4. Privlačenje talenta:** Osnivanje fonda može privući mlade talente i stručnjake iz oblasti tehnologije da razvijaju svoje biznis ideje u Kantonu Sarajevo.

5. **Internacionalna saradnja:** Fond za investiranje u tehnološke startape može olakšati internacionalnu saradnju između startapa i inostranih investitora, što može rezultirati razmjeni tehnologije i znanja.

Kako bi se uspješno implementirao Fond za investiranje u tehnološke startape u Kantonu Sarajevo, ključno je da se okupe nezavisni stručnjaci koji će definisati kriterije za dodjelu sredstava i davati preporuke Fondu. Evo kako bi taj proces mogao izgledati:

1. **Formiranje odbora stručnjaka:** Odbor treba da bude sastavljen od nezavisnih stručnjaka iz različitih oblasti, uključujući tehnologiju, ekonomiju, investicije i poduzetništvo.

2. **Definisanje kriterija za investiciju:** Odbor bi trebao raditi na definisanju jasnih kriterija koji će se koristiti za procjenu opravdanog razvojnog potencijala svakog startapa. To može uključivati aspekte kao što su timski kapaciteti, inovativnost proizvoda ili usluga, tržišni potencijal i održivost.

3. **Procjena aplikacija:** Startapi bi trebali podnositi aplikacije za investiciju fondu, koje bi zatim ocjenjivala nezavisna komisija. Komisija bi ocjenjivala aplikacije u skladu s definisanim kriterijima.

4. **Davanje preporuka fondu:** Na osnovu ocjena, komisija bi trebala davati preporuke fondu o tome u koje startape treba investirati. Fond bi zatim donosio konačne odluke o dodjeli sredstava.

5. **Praćenje i podrška:** Osim finansijske podrške, fond bi trebao pružati mentorstvo i podršku odabranim startapima od strane renomiranih startup osnivača i osnivačica kako bi im pomogao u rastu i razvoju.

Ovakav pristup omogućava transparentan i nepristrasan proces odabira startapa za podršku, što može pomoći u stvaranju uspješne tehnološke ekosisteme u Kantonu Sarajevo.

Ključni aspekti ovog prijedloga su:

#### 1. Početne investicije za tehnološke startupe:

Fond će osigurati finansijske resurse u obliku grantova za mlade osnivače tehnoloških startapa u Kantonu Sarajevo. Ovi grantovi omogućit će im da razviju svoje ideje, stvore prototipe, aplikacije ili druge proizvode, te ih testiraju na tržištu.

#### 2. Definicija startapa u Zakonu o privrednim društvima:

Inicirati izmjene i dopune Zakona o privrednim društvima na nivou Federacije BiH kako bismo uveli jasnu definiciju startapa, gdje bi startup bili definisani kao kompanija koja uvodi tehnološku inovaciju na tržište. Ova definicija će olakšati identifikaciju i podršku startupima u pravnom okviru.

#### 3. Privlačenje investitora:

Podrška tehnološkim startupima privući će investitore koji će prepoznati potencijal i inovaciju unutar Kantona Sarajevo. Ovo će uticati na privlačenje dodatnih investicija i poticati rast lokalne poduzetničke scene.

#### 4. Poticanje mladih poduzetnika:

Ovaj fond će poticati mlade ljude da razvijaju vlastite tehnološke poslovne ideje i pokreću vlastite startupe. To će stvoriti dinamično i kreativno poslovno okruženje unutar Kantona Sarajevo.

#### 5. Benefiti za Kanton Sarajevo, Bosnu i Hercegovinu:

Osnivanje Fonda za tehnološke startape donosi brojne koristi. To uključuje stvaranje radnih mjesta, privlačenje inovativnih kompanija i stranih investitora, jačanje tržišta tehnoloških proizvoda i usluga, te povećanje konkurentnosti Kantona Sarajevo i cijele zemlje na globalnom tržištu.

Prijedlog za osnivanje Fonda Kantona Sarajevo za tehnološke startupe predstavlja strateški korak prema unapređenju ekonomske i tehnološke budućnosti Bosne i Hercegovine. Ovakav Fond bi bio prvi u našoj zemlji sa funkcijom da omogući mladim talentima da ostvare svoje potencijale, potakne



rast inovacija i ostvari održiv ekosistem koji će koristiti svim građanima Kantona Sarajevo i Bosne i Hercegovine."

### **Odgovor Ministarstva privrede Kantona Sarajevo:**

Vežano za predmetnu inicijativu zastupnice Jelene Pekić, Ministarstvo privrede Kantona Sarajevo izjašnjava se, kako slijedi:

Zakonom o poticaju razvoja male privrede ("Službene novine Kantona Sarajevo", broj 29/15) (u daljnjem tekstu: Zakon) propisano je sistemsko planiranje, osiguranje sredstava i provođenje mjera i aktivnosti razvoja male privrede. Članom 10. stav (1) Zakona propisano je da Vlada Kantona Sarajevo, na prijedlog Ministarstva privrede Kantona Sarajevo donosi Program razvoja male privrede za period od četiri godine, a članom 11. Zakona, propisano je da se sredstva za provođenje ovog Programa osiguravaju u Budžetu Kantona Sarajevo za svaku kalendarsku godinu, te da je visina ovih finansijskih sredstava u iznosu od 0,5% do 2% vrijednosti godišnjeg Budžeta Kantona Sarajevo u prethodnoj godini.

Shodno navedenim odredbama Zakona o poticaju razvoja male privrede, Vlada Kantona Sarajevo je na prijedlog Ministarstva privrede Kantona Sarajevo dana 23.07.2020. godine donijela Program razvoja male privrede za period 2020. - 2023. godina ("Službene novine Kantona Sarajevo", broj 20/23), a tekuća kalendarska godina posljednja je godina implementacije ovog Programa, te je s tim u vezi Ministarstvo privrede Kantona Sarajevo u fazi pripreme Prijedloga programa razvoja male privrede za period 2024. - 2027. godina (u daljnjem tekstu: Prijedlog programa), koji će u narednoj godini biti upućen Vladi Kantona Sarajevo na razmatranje i usvajanje.

Između ostalog. Prijedlogom programa bit će utvrđene smjernice razvoja, poticajne mjere i aktivnosti provođenja ovih mjera u narednom četverogodišnjem periodu. S tim u vezi, **prilikom kreiranja predmetnih poticajnih mjera Ministarstvo privrede Kantona Sarajevo će kreirati specifični program kojim će biti obuhvaćena i specifična ciljna grupa iz predmetne Inicijative.** Sto se tiče dijela Inicijative u kojem se predlaže osnivanje odnosnog fonda, Ministarstvo privrede Kantona Sarajevo je stava da osnivanje ovog fonda nije osnovano.

S poštovanjem,



Dostaviti:

1. Naslovu,
2. Vladi Kantona Sarajevo,
3. Evidencija i
4. a/a.

